



白華樓吟稿卷之六

歸安茅坤順甫著

邑人姚翼翔卿編

五言律詩

郁生東歸海上遲久不至賦詩招之

陸機擅當代君復起雲間大雅誰能振西京  
早已攀客星照茗水紫氣滿吳關何以遲青鳥  
書去未還

同祥上人湖上

湖上多佳氣攜僧興轉幽綠蘿牽徑入蒼靄  
林投草色憐康樂桃花笑惠休仰天忽大笑疑  
共虎溪遊

病中偶誦孟浩然多病故人疎之句慨然  
有感賦詩三首

勿厭故人疎秋來菱自除年華且若此世態欲  
何如三徑蛛絲滿孤齋鶴筆餘支頤北窻下猶  
得白雲俱

勿厭故人疎幽心與道俱嵇康愛爬蟲莊叟試

觀魚落木驚飛鳥寒泉響暗渠足音斷空谷聊  
對養生書

勿厭故人疎蕭蕭世俗餘雲煙互阡陌桑柘滿  
林間喧豈隣家獵歌應隔水漁此心誰與語凭  
几理方書

亡婦大祥兼哭小妾

白頭吟早謝忽已再星霜遺業漸中落衰齡強  
自將那堪朱瑟罷併及綠珠亡地下如相見雙  
憐寸斷腸

病臥

病骨臥云久故交日以疎蛛絲網藥裹蝸沫蠹  
方書午夢嘶花鹿朝憐戲藻魚呼童問三徑那  
得載籃輿

許敬菴吏部服除赴京謁選簡寄

鳴騶初候吏畫省舊分曹無歎積薪久還憐起  
草勞江湖我中散霄漢爾山濤別路何相贈腰  
間脫寶刀

病臥深夜感秋聲

不是悲秋客偏來浙瀝聲逶迤洞房曲迢遞落  
花輕夜靜燈無語霜寒杵不鳴云何獨蕭瑟頻  
入病魂驚

陳華山刺史以憂歸過訪病榻感舊論文

二首

共惜十年別那堪兩鬢摧我初尸蹶起君復墨  
衰來攜手欲流涕舉花且舉盃草玄何必問六  
藝已秦灰

眉山頽已久爾雅竟誰傳不遇問奇叟終成覆

醬玄洗盃邀北斗看劒倚中天揮塵發長嘯無  
嗔醉後顛

壽鄰翁沈丈

甲子忽已遍况復病相侵無惜黃金散還邀白  
社吟南鄰爾投轄北里我攜琴雙鬢各衰颯何  
妨日日尋

病後過仲兒時丁丑臘月二十八日

文園病已久臥榻半塵埃餞臘花將吐悲秋客  
始來寒氛餘鳥雀殘雪雜莓苔藥深憐汝歡

逢獻歲盃

哭亡妾并兒媳

姑也殯猶臥婦兮櫬復陳如何一暮月遽哭兩  
亡人素帳乍如偶黃泉應與親對兒相嚮泣蕭  
瑟倍傷神

賀李邑侯壽誕

何以題仙令雙鳧日外來東風一夜到滿縣百  
花開南極迎佳氣中天獻壽盃况聞白雪曲縹  
緲下琴臺

春日過吳江訪沈鐵山

攜春自茗上百里過江亭手折梅花碧馬嘶芳  
草青啣盃歌積雪看劍舞寒星夜半猶耽飲懽  
來醉復醒

沈鐵山春暮過訪山中送之東遷惜別一  
首

百里攜春過君歸春亦歸花枝殘別路柳色黯  
征衣瑟向伊誰鼓歌憐和者稀五湖應不遠倘  
許共漁磯

予過訪環溪丈其別去也將訪名山於錢  
塘之上行里許適大雨迺復還宿環溪齋

中賦詩紀事

頃已舉雲別何當帶雨還琴仍臥竹裏奕復對  
花間樹色疑連袂江聲故抱關客心從此折何  
處訪名山

過武康雙橋山中弔亡妾

無復窺妝日翻悲埋玉年名迹償夙約佳氣鬱  
新阡從此重泉閉誰同明月懸欲攜環與珮須

卜再生緣

雨宿湖上

臥雨西湖上，羈心何處投。  
鮫人疑避客，山鬼欲悲秋。  
枕落魚龍嘯，窗懸薜荔愁。  
猶聞漁唱起，吹笛遍滄洲。

趙溧陽攜酒秋園宴集

西湖秋色好，誰借入林中。  
薜荔牽屏翠，芙蓉落檻紅。  
脫巾挂深竹，徙席過疎桐。  
日暮蟬聲裏，猶興未窮。

李珠山載酒吳山道院，阮邀施虎泉沈龍洲，馬松里趙望雲陳貞亭并豫章陳竹廬暨予共爲社飲於吳山道院得仙字

道院阻吳山東麓而左，盼西湖右望江，且越州諸山屏列隔岸若畫眉，然歐陽公嘗稱錢塘盡東南山水之美，而有美堂則又盡錢塘之美，予竊自憐平生好佳山水，茲特錢塘市中，豈卽有美堂故址也乎？予獨遺而不及，不能不爽然自

失也卽席口占四韻爲諸公倡云

豈知城市曲別結洞天緣吳越窻中劈江湖掌  
上懸煙花饒百二樓閣俯三千不羨西王母瑤  
池宴列仙

許少崖使君棹美人於西湖之上席上口

占二首

西湖佳氣多况復洛神過艷擬日初出粧疑水  
不波魚龍驚欲起花柳鞦如醪共指天街上星  
裝夜渡河

猶言興未盡別棹擁琵琶波亂珊瑚色雲搖翡翠  
翠花畫眉邀遠岫舞帶漾流霞歸路人爭羨西  
施醉若耶

賦得高樹晚涼歸

高樹敞殘暉晚涼何處歸人天共晡靄花露漸  
霏微暝色窻間入泉聲竹裏飛還看初沐起銀  
漢挂絺衣

陳竹廬同客西湖已而移聖水禪房題寄  
未了西湖社言逃聖水禪攜瓢挂絕壑面壁習



金仙掌上天花落林中梵唄傳到來題偈語倘  
許寄漁煙

昭慶禪房與曹懷靜對局偶爾口占

看君手彈處指顧欲風生自擬萬人敵那知一  
敗傾戰酣初蟻鬪局罷總經聲習靜天花裏嗒  
然仙梵情

曹懷靜移居七寶山晚秋過訪戲贈一首

年來四壁立何事復攜家爲厭紅塵市言棲琪  
樹花一瓢挂薜荔半榻構煙霞醉傍寒蟬臥孤

吟清露華

酬張少谷

客臥西湖上詩名滿貴游人懸青玉案江作墨  
池流花外看雙劍林中擬四愁歌君題贈什萬  
里貯清秋

陳竹廬之投西湖吟社也甫旬卽辭去且

聞其南遊金陵北謁闕里陟泰山然後歸

於是社長李珠山邀諸君賦詩送之題其

冊曰遠遊醉賦二律

一瓢聊卜裝千里不齎糧山水逢佳處風煙卽  
故鄉海天高士傳象緯少微光何日西湖上重  
逢陳子昂  
興來當絕壑處處入攀躋山色褰衣帶煙花亂  
馬蹄三都豪士賦五嶽洞天題誰謂清秋裏王  
孫芳草萋

沈貴池罷官歸養病溪上寄贈一首

聞君挂冠後長日臥中林醉倚胡牀嘯閒隨流  
水吟囊中不死草架上無絃琴卽此逃人境何

須蓬島尋

冬月再過西湖未及過候社中諸友簡寄  
猶劇秋來興重於歲晏過社遊知不厭題什却  
誰多花外星應聚林中鳥亦歌山靈邀劍珮暫  
爾滯煙波

過先師來菲泉先生廬兼致兩公子

少年問經處花木共依然無復絳紗幄堪悲立  
雪年賜書應蠹字遺草尚塵編卿輩還須讀家  
聲奕世傳

訪來三峯年丈

少時同結綬末路各抽簪家特一江隔年來雙  
鯉沈文移別後草琴寫夢中音欲脫佩刀贈相  
將白首心

次蓬萊驛望禹穴

停車一以眺佳氣掌中懸玉笈千年字金函五  
色編但教山鬼護不竝代出宗禪稽顙蓬萊外氣  
氲駐綺煙

山陰道中

不特江山秀還兼風物殊千林魚稻市萬芳見  
裳區游徼絕椎剽人煙入畫圖移書弔勾踐可  
許上塵無

過聖水寺訪覺上人遇題壁一首

到來僧不見始解入空林相對藤蘿影那聞鐘  
磬音慈雲宿巖頂慧月桂花深獨向蒲團坐閒  
看無住心

送屠山人還越

一瓢五湖畔澹宕欲忘年少奉浮屠法人呼賈

閨仙但餐花下露不挂杖頭錢此日歸東越飄飄滄海煙

雨夜宿涵山道中

不堪風雨夜江上一孤舟已怯圖書潤還添僮僕愁林昏疑拒客溪響共悲秋抱膝發長嘯堪憐似楚囚

贈陳竹廬

席上逢驚座詩名江海間五言稱獨步大曆許誰攀對客數听幘當盃頻洗顏何須婚與嫁共

汝訪名山

春夜再過南石樂餘園

傳燎入花隙循除轉竹深疑非人境接別向洞天尋到此斷塵想坐來生道心中林誰是伴月色與藤陰

臨安道中簡舊令劉瀟湘

有序

瀟湘之令臨安多惠政邑諸生某某堂屬予碑予適久之未報頃過邑之青谿上問諸父老諸父老稱不置口予輒賦

詩一章并碑記以報

抱琴人不見我過問棠陰無復當年調猶聞流水音磨崖屬已久題字豈應沈寄語太丘長中郎少愧心

新安道中偶題

一隘一亭障天開虎豹關不須列烽燧自可繕

河山海內金錢布區中甲第園先朝產英特割

據六州間

六代時有汪王割據六州云

新安道中遇雨

羈旅多愁雨况兼行路難那堪裝盡濕併怯劔生寒鳶站一絲挽羊腸百折盤解言遲夕霽乘轡下新安

一入歙州界偏逢日日陰山靈疑已避何處訪知音不及舉帷眺祇慙抱膝吟林間發長嘯誰解客星臨

晚霽西望雲巖諸山

天忽挂長虹掀髯欲御風山光迎返照劔氣屬層空雨歇千峯出煙消四望通白雲看不盡冉

再起封中

過歙州弔同年鮑三峯汪虛舟游鮫潭潘直原胡斗潢胡梅林六公二首

諸公已仙逝我愧獨晨星攬此山川槩能無涕淚零浮名升與降世眼醉還醒萬古俱流水應憐墓上銘

諸公且勿道司馬最堪悲百戰功猶在祁連葬獨遺誰能訟延壽我欲弔鴟夷祠宇錢塘上千秋墮淚碑

過歙州許太常行三日矣追送不及題詩

寄上

江上占星象山中挂臥廬我來投佩劍誰爲讀藏書悵望美人色含情芳草墟浮雲總西北千里願同車

休寧道中讀鄉社碑

邑稱富溢然故習悍鬪近年來始爲鄉社約予過社亭讀令碑知里中稍稍息睚眦矣感歎不已系之以詩

邑中十萬戶富溢勝臨淄好俠偏輕鬪逢人或  
裂眦年來習俎豆稍已厭刀錐日暮鄉亭上低  
徊讀今碑

過天門

一行穿一障千折引千嶺蒼苔立層巖外人煙下  
界中憑欄塞北斗揮手捫飛虹客問山翁姓前  
身是葛公

從休寧道中望雲巖

翠屏天外障遙指是雲巖暮露寒仙掌乘風掉

石帆九霄瞻寶界千里拜金函忽覺靈化墜翻  
翩引絳繆

從第一仙關入步雲亭二首

去天特盈尺轉嶂復千峯縹緲星河引氤氳雲  
樹重飛泉挂瓊玖削壁秀芙蓉箇是神仙境行  
鞭赤玉龍

不必問蓬萊今朝接上台肘飛萬花谷身入九  
成臺雲外芝幢引天邊鶴吹來劒光生赤電早  
已决塵埃

道士迎天梯峯俄而山下雨作紀事

却怪山靈幻陰晴半馬蹄雲霾沉下界日氣射  
天梯捫磴層睇豁回看入望迷何當屐齒遍併  
屬洞霄題

晚霽同道士蘭谷步香爐峯前

薄暮微風起層林宿雨收瑤壇河影挂碧殿夜  
光浮笙吹天邊度芝幢檻外流巖燈颺不定疑  
是弄珠遊

別雲巖

我來興未盡去矣復淒其霧壑迷行旆煙蘿戀  
別帷山靈解好客墨子亦貪竒一步一回首鐘  
聲出岫遲

由雲巖下乘流放筏出池溪二首

連朝肯飛幘茲夕暫臨流言踏名巖遍還尋芳  
杜幽青山夾兩岸綠水射中洲自笑乘槎出行  
看問斗牛

斗牛何處問山水遊仙情采碧還乘興臨流解  
濯纓却貪杭竹迅無復櫂歌行不似茗溪上煙



波臥月明

次淳安漆樹嶺

前峯指漆嶺忽動故鄉心  
漸覺聞吳語還看解越吟  
關河間行旅山水共鳴琴  
拍手發長嘯誰同澹宕音

題王山人喬松圖

山人手種松今已舞虬龍  
秃爪雲霄迴蒼鱗煙霧重  
但傳幽壑籟不羨大夫封  
寄語陶元亮盤桓共短筇

題米灘口

獨愛歙州山行行去復還  
一峯一磬折萬壑萬重關  
虎豹盤空外龍蛇叢靄間  
何當引康樂日此躋攀

過釣臺再讀往年鏡壁之作輒賦

幾過釣臺下頻將弔草投  
茲行無一字猶爾悵千秋  
綠水洲前瀉白雲巖上流  
殘碑蘚已遍一度一翻愁

夜行江上

注行多爽氣况復夜涼時  
森森擢歌曲盈盈芳  
杜枝鮫人渾不語騷客  
總宜詩千里煙波興隨  
風縱所之

由訪雲巖東歸過西湖上

日暮西陵道回看千里雲  
羈心隨候變鄉語隔  
花聞肘後青龍劔囊中  
玉笈文一瓢煙水上自  
笑武夷君

送李少尹歸田

聞說罷官日橐中無一錢  
但攜新賦草歸臥舊

瓜田父老空城送兒童  
夾路傳他年碑德政墮  
淚峴山前

鍾生自囚舍中貽予詩題答一首

獄中書一札客豈漢鄒陽  
開緘欲流涕微吟堪  
斷腸三年宜不雨六月  
恐飛霜誰爲省囚草釋  
君還故鄉

春陰

竭來羈旅日日對春陰  
不解東風思堪憐遊  
子心寒鷓鴣流阮嘯過  
鴈入嵇琴岸幘獨危坐  
誰

同歎陸沈

獨坐

不堪江海思况復薜蘿寒  
獨坐看龍劍誰爲問  
鷓冠支頤強自臥抱膝起長歎  
一卷庖犧易青  
燈暮雨殘

早起

早起憑烏几嗒然無一塵  
不堪連日雨疑滯百  
花春世事拚投老浮名且避人  
還嘲形與影疑  
是漆園身

夜過施南石

經時不相見况復病間過  
共惜別來鬢寧辭花  
下歌溪聲瀉林杪月色挂巖阿  
夜靜欲歸去心  
猶戀薜蘿

李少白過訪賦贈

白也詩無敵風流復見君  
劍光寒射斗賦草氣  
凌雲恥作貴游客還應藝苑聞  
却憐挂冠叟花  
下共論文

清明日展祖墓因悼亡兒一首

從汝遭家難攜誰讀父書不聞供祭掃况復大  
門間腸斷一杯土羞稱千里駒松楸疑助泣垂  
露欲潛如

贈汪掾二首

一掾非君好五言聊自持欲將文飾吏恥以律  
爲師俸薄或輟釜官閒不廢詩年來趨府暇共  
我數招攜

聞君展丘墓三言復謁明光暫以鷦鷯翮言隨鷓  
鷖行彤庭御氣近紫禁漏聲長江左半宮沼還

攜奏尚方

時湖中  
適水災

夜過聖水禪房

日暮投蘭若雲深禮釋迦不知秋作客暫習梵  
爲家香供二千界人天億萬沙何當謝世幻長  
此臥空花

三茅觀夜歸

攜客向煙蘿嚼盃眺夕波湖當吳市迴山入越  
州多千里褰衣帶三秋落嘯歌歸林傍棲鳥猶  
共戀巖阿

過金山寺

誰劈一拳石獨撐萬里流  
西迎江漢色南拱帝  
王州龍象三千界山河百二收  
我來思解帶還  
爲故僧留

夜訪呂山人不遇

夜過寒江上空林不見人到門  
惟落葉流水隔  
飛塵殘塵猶挂壁孤桐誰與陳  
解維向煙渚鳥  
鴈許爲鄰

王敬所司寇秘蹤西湖之上移書共尋一

首

千里傳書札相呼入翠微  
不令津吏諜共着野  
人衣山鬼林間嘯江靈雲外飛  
仰天忽大笑攜  
向月明歸

歲暮雪夜泊舟武林道中

羈旅多蕭瑟何堪雪色侵  
凍雲千里合宵漏萬  
家沉過鴈寒無影樓烏夜不禁  
陽春倘許借願  
爲入琴音

黃吉所下第後雪中過訪

嗟君萬里鵠雙翅雪中垂恥向榆榆墜憐燕  
雀隨長鳴慙獨息願影未逢時佇看雲霄上銜  
恩入鳳池

張見山丈過訪山中

少年多任俠却似五陵豪座上邀珠履花間脫  
寶刀興來猶澹宕醉後迴風騷此日雪殘鬢堪  
憐已二毛

庚辰三日夢中得遊仙詩六句已而半醒  
復夢續二句

風塵殊不適麴蘖卽爲家言以中林興間尋幽  
洞花瓢間攜日月掌上弄煙霞欲事長生訣何  
須永與砂

錫山費生者予未之面也友人余君嘗哦  
其詩亟稱其繪畫與書法且云其人偏盲  
然近古之節俠者也來索予詩贈以四韻  
風流杜子夏曾不厭偏盲繪摹輞川勝詩尋大  
曆盟習書池半墨學劒氣橫行憐我逃虛久秋  
江數寄聲

過天機上人禪房讀亡兒題偈有作

風燈曲逾曲煙蘿深復深豈知穿絕壁猶爾挂  
禪林覺草印麋跡空花散梵音兒曹題偈處能  
不淚霑襟

題黃鵠贈余生

嗟彼一黃鵠翩翩何所求豈應啜孤藻長此滯  
滄洲須矯搏風翮還爲萬里遊天池與太液恣  
爾泛清秋

吳沈二丈過訪齋中贈別

鸞轉當盆曲花垂攬帶枝如何片帆影遽向客  
心移綠水日以遠白雲誰與期從今閉三徑長  
臥獨支頤

七十誕日

浮生忽七十事業半支離驥伏悲猶在鷹揚翼  
早垂顛毛髮且盡髀肉歎何爲獨抱文章癖自  
雄還自雌

歲晚氣猶壯興來醒亦狂倚花了文債對酒滌  
詩腸賓戲不欲答書成聊自藏知稀我已貴無

復問名韉

醒來聊復醉濁已却猶清箕踞堪逃俗浮湛且  
避名呼童調乳鹿攜客聽流鶯試問山中課花  
前習養生

七月十九日五夜渡西湖

湖上露光浮還兼灝氣流鮫人寒不語龍媛夢  
初收半傍煙花漏那聞簫鼓舟月明忽在手疑  
是弄珠遊

過聖水禪房

禪林枕城曲樹裏掛江湖井邑遙連越樓臺半  
控吳層波縱望合鐘靄入看無願向山靈借攜  
歸品畫圖

吳宋二丈共尋西湖予恨不及從題寄一  
首

湖上試輕舸凌波羨爾曹樓臺共掩靄荷芰迴  
風騷露氣裊飛檠煙光上野袍如何獨偃臥枕  
石聽松濤

贈超然上人二首



年少抱詩癖人呼賈浪仙已超三乘幻併屬五  
言傳杖錫曇花靄挂瓢鳥路煙我來多澹宕共  
爾暫棲禪

橐空不厭貧釜輾數攜賓半榻藤蘿月一瓢麴  
米春醉同齊繡佛醒共轉燈輪落日巖前嘯中  
天無片塵

程徵君載酒湖上

言別西湖久何堪載酒過山靈遙弭節仙媛忽  
凌波花氣迎環珮煙光照綺羅醉歸歡未已日

暮擁笙歌

湖上題贈二首

一片傾城色偏宜水上看照眉疑遠岫轉盼似  
迴瀾嘖笑嬌猶澁琵琶妬不彈忽聞歌白雪鮫  
室晝生寒

湖光十里碧倏爾發朝霞綽約魚龍夢娉婷荷  
芰花歌唇隔浦度舞袖帶風斜片石迎波上翻  
疑待浣紗

席間覽優人演習薛仁貴傳記感故督府

胡公以罪沒於今猶未獲 賜葬也系之  
以詩

古來摧戰士豈特薛幽州漢代悲飛將秦人泣  
杜郵中原罷羽檄幕府臥輕裘誰問胡司馬功  
成殞一坏

聖水寺益上人過訪花溪之上賦贈一首  
聖水別已久清宵夢幾回忽逢折蘆過疑爲獻  
花來坐上三生悟林中五蘊開禪心與溪色此  
夜共徘徊

余見華冬夜過草堂席間醉贈

予也畏小友君爲狎長髯不覺坐移日相看狂  
欲顛李泌同張說終軍共馬遷古來論交處知  
已總忘年

宋少尹赴荊門

荊門控江漢自昔號名都井邑饒魚稻山川入  
畫圖棘裝輦駝笮蜀將暫下巴渝千里宦游處知  
君興不孤

贈吳丈二首

君豈於陵子其貧却世憐一瓢挂藤影半榻枕  
蝸涎顧嫂無罌粟逢人少社錢年來抱碁癖數  
過草堂前  
年來多澹宕歲晚數招攜調鶴君揮拂看雲我  
杖藜興來花共舞醉後石同題客問雙髯姓前  
身阮與嵇

春夜由雪溪東歸紀事

明月挂谿流况兼山色幽煙花天際入象緯掌  
中浮人境拭如畫客心悲欲秋劃然發長嘯餘

響遍滄洲

茗上逢楊用吾囊藥過訪

茗川一以望紫氣類非常五色囊中草千金肘  
後方何期跨白鹿忽爾駐丹房憐我文園臥還  
投石髓漿

胡英山攜書酬寄一首

何處抱琴客忽遺千里音微風自遠至散曲入  
花深君已傳循吏我仍臥墨林謁來未同調江  
上獨招尋

仲兒同劉行素黃吉所讀書山中兒與行  
素比試於京而吉所留浙闈也賦別一首  
連袂一朝別分裝千里行天隨鴈影隔風入馬  
蹄輕解額秋雙擢傳臚春幾聲翻飛鳳池曲知  
慰倚閭情

茗上逢台州司理俞定所賦

聞君露冕處半屬遊仙翁井邑雜鮫室波濤狎  
蜃宮愁經天姥雨嘯捫石梁虹此日雙龍劍翻  
翻紫氣冲

秋夜余見華過訪一枝窩燕集

一枝秋水客過共徜徉劍氣倚天碧笙吹帶  
雨涼嘲兮形贈影歌也短兼長拍掌乾坤小休  
猜嵇阮狂

王槐亭使君由工部出按興泉以詩送之  
并簡故人王太僕東臺先生且許其千里  
過訪也二首

美爾奉朝請一年還一遷忽聞採風使擁傳下  
江天繡斧潮聲裏霜戈蜃氣前遙知按州郡半

是習遊仙

太僕別來久髯猶昔日無竹間誰對奕花裏夢  
投壺我尚肘堪翼年來興不孤何當過三笑共  
作虎溪圖

得上人過訪齋中

淵明三徑開支遁九秋來竹塵挂藤影蒲團問  
劫灰已能超忍辱何事掃塵埃坐久默無語月  
明花下盃

三姪順天鄉試下第以詩慰之

劉蕢再下第海內竝羞顏且喜青龍劍重遊太  
學關閉門謝朋舊削髮入名小山我共白頭父行  
看畫錦還

秋日過吳山道院聽琴

逆旅初流火翻驚白雪飛林中忽崖裂座上似  
秋歸逸調傳空谷商音轉翠微曲中猶未已縹  
緲送殘暉

贈曹山人

君豈漢曹丘言從季布遊到來稱上客名已動

南州自笑舌猶在相逢轄早投當盃不忍別鴻  
鴈一聲秋

張山人過訪二首

門已堪羅雀客偏枉故人自言室似磬近午甌  
猶塵岸憤恥引鋏挂瓢歌負薪古來嗟不食疑  
或是前身

年來四壁立不特似悲秋臨水發孤嘯支頤臥  
一丘送窮文已燬嘲影澹無求此日滄洲上相  
攜對白鷗

九月八日喜桐廬俞小江過草堂夜話

江上客星過泠泠蘭杜芬瓢攜千里月劒合九  
秋雲殘燭翠屏靜疎簾白鴈聞歡深忘漏未此  
夕慰離羣

次日再贈二首

不必登高飲已看落帽狂茱萸雙鬢短時序百  
年長隔水霜逾白疎籬花復黃共君歌且舞醉  
夢入羲皇

已覺語難盡不堪思轉深乾坤百年感江海故

人心白眼兼青眼長吟復短吟平生豪俠興誰  
共解浮湛

上饒翁徵君載古書名畫過訪賦贈一首  
客傍清秋過米家書畫船橐中貯蚪蚪掌上吐  
雲煙座似懸周鼓林疑對輞川還應神夜護山  
鬼嘯燈前

輓馬松里公詩

故通政馬松里公今之賢豪長者也方  
其爲御史時按節河朔予適提兵過之

公嘗首疏論薦謂可當閫寄而授節鉞  
者已而予坐訕奪官公又約臺諫諸公  
共爲論救而執政沮之予雖罪廢而於  
時公議亦稍稍振中外矣未幾公亦棄  
官歸二十年來數邀結社湖山之間分  
曹賦詩相爲唱和蓋欣然樂也今松里  
公忽爾仙逝予哭不能已因賦詩七章  
以附古者招魂之旨云

天象闕文昌豪雋遽爾亡江山痛欲裂日月恨

俱長不見人中鳳應爲地下郎我來投弔草垂  
涕忽沾裳

早已罷朝請竭來從社遊幾攜花下酒同上水  
邊樓落木分巖嘯凌波起櫂謳賞心不再得無  
限古今愁

薦草篋猶貯看花盟已寒却憐乘羽化無復共  
盃歡人向泉臺閔林悲玉樹殘百年歎知己誰  
爲問彈冠

佩劍許已久銘旣還屬誰平生多故舊若箇最  
相知吏業臺中草巖樓社裏詩吾將類遺稿聊  
慰百年思

聞道素旄出還遲白馬臨生前交不淺沒後淚  
偏深薤露歌初咽山陽笛已沉西湖流日夜難  
寫故人心

湖山不改舊湖社尚誰依漸覺鷗盟冷行看花  
事稀苔封調鹿徑雲鎖釣魚磯欲草招魂賦君  
今歸不歸

沈約已歸土馬融復罷惟社遊半凋落誰爲共



棲遲處士湖邊墓越王江上祠他年拄杖過雪

涕讀題詩

時沈青門死而葬已三年矣

### 秋日過西湖

秋色微茫裏蕭蕭半有無淡粧橫碧落淺黛入  
寒蕪抹却綺羅艷但教煙雨圖瀟湘多逸調此  
夕挂西湖

社友李珠山六人攜酒聖水禪房宴集

載酒招攜處何如晉竹林分曹大小賦選壑短  
長吟阮嘯傳空籟嵇琴寫梵音興來不覺醉共

舞散花深

輓俞泉亭教授三首

聞君忽仙逝何處賦招魂花沒淵明徑林餘長  
統園遺文留敝篋舊業覆頽垣應共前江叟空

山載夜猿

前江卽字泉亭弟

哲人已云逝舊德杳難追誰識延陵墓堪爲有  
道碑社吟知己寢邑誄豈無悲寄語太丘長溪  
毛薦一壘

還聞未訣日飲涕只遺孤解有張堪在能忘趙

武無父書猶可讀先業未應蕪况我年雖老相

將百足扶

泉亭遺孤年止六齡托姪汝彝撫之故云

### 同張海方山行

行行谷轉幽况復迴清秋磴縮煙光入泉分石  
竇流白雲如有待好鳥獨相求笑向山靈語一  
瓢許挂不

張海方遊金陵來歸歲暮再過草堂感賦

### 二首

不堪千里過况復九秋殘劒帶薜蘿色衣餘

荔寒計程品山水膝席共悲歡借問都亭上公  
卿誰餽餐

誰謂洛陽客猶歌行路難竭來遠遊賦都作覆  
瓿看天地雙蓬鬢風塵一鷓冠孟嘗罷相久猶  
喜舊馮驩

壬午至日張海方吳養貞草堂夜宴

葭管灰初動黃鍾律漸回望中佳氣入花外客  
星來已解合歡舞併傳行慶盃霜飛夜未艾何  
處祝三台

同張海方對雪賦詩二首

不特豐年兆還添客興奇寒氛屬賦草爽氣漱  
詩脾似瀉銀河液如搯瓊樹枝仙人蓬海上萬  
里盡瑤池

看君歌白雪逸興獨豪華似共梁園賦如攜謝  
眺家吟眸盪林薄俠骨入風花豈學五陵貴紅  
爐擁狎邪

夜宿新市道中

野宿青谿上谿寒咽不流蒹葭藏水市鴈鷺帶  
林丘月射鮫入室煙橫賈客舟興來發孤嘯不  
盡古今愁

雪夜過西湖

西湖最佳處雪色半酖時已却鸞鳥花媚獨妍山  
水姿風吹疑碧海月挂似瑤池復唱漁家傲煙  
波狎釣絲

朱訥齋雪夜過茗城不及追陪題寄一首

天上謫仙過山靈亦解迎却憐灌園叟猶爾隔  
江城紫氣吳關抱客星茗水明中庭忽飛鴈聊

爲寄春聲

詠竹絲燈

誰向淇園剪裁爲五色絲庭猶傲雪榦花已吐  
春枝公子珊瑚樹仙人冰玉姿繁華併澹宕總  
入我題詩

二月十日晨起爲縉兒扣謝文昌祠

何處瞻星象名香手自焚望中遙下拜花外恍  
如聞金馬招方朔甘泉檄子雲夜過北斗畔已  
爲助郎君

友人陳康衢以詩酒而癖者也山堂膝席

口占戲贈

少小投詞苑年來客醉鄉出風還入雅浮白併  
流黃到處徵高調何言署太常中林暫傾倒宛  
似共柴桑

來君念過訪賦贈并柬寄廼兄晉卿

林中逢小阮未及大馮君鴻鴈一行影江天兩  
處分鬢連殘歲雪衣共隔江雲折取梅花寄無  
忘千里聞

贈沈忠字文學

沈兼習  
堪輿術

名已貴游徧神如秋水揚非稱秦博士併解漢  
青囊今古掌中劈山川瓢裏藏相看何以贈臨  
佩脫干將

偶讀莫中江公扇題山莊之什翛然王右

丞陶彭澤遺響也賦寄一首

伊人久不見題扇却誰遺響落朱絃奏情看瓊  
樹枝輞川忽在眼柴桑空自期何當拄杖過共  
採南山芝

過王氏橫山草堂追感兩舟公之舊日喜

諸孫之翩然玉立也情見乎辭

摩詰沒已久輞川似可憐圖書散舊客花鳥貯  
當年半榻芝幢日一簾蘿帶煙條然竝玉樹邀  
我草堂前

夏日同友人露坐夜飲

不須厭朱夏露飲亦清秋灑氣穿林瀉涼雲拂  
檻流炎氛花外散象緯掌中浮對比且沉醉頽  
然臥一丘

夏日苦熱夜寢不寧

炎帝乘離日祝融司令辰江湖共沸鼎臺榭駐  
游塵宿鳥驚還語攀花笑復顰官叨伐冰後何  
處問凌人

夏日楊雲岳過訪

却憐三伏日忽遇百年知共散花間髮言攜竹  
裏棊興來還舞拂醉後漫題詩笑踏層冰去風  
流不自持

簡潤州門生李應山

絳帷撤已久無復見門生此夕華谿月應懸鐵  
甕城予今已衰颯君豈得無情願借南來鴈秋

江一寄聲

華谿予  
居里名

督府張公邀予暨許少岷使君同過紫陽

洞

仙人已飛去猶及見遺蹤巖臥餐霞洞林懸化  
鶴峯子房自澹宕我輩幸遊從他日封留後還  
攜訪赤松

晚由西湖上過宿聖水禪房

日暮西湖路行行野興多樓臺半倒景歌舞散  
煙波不見迎僧出惟看宿鳥過山靈併鐘靄邀  
我臥松蘿

五言排律

濟上逢張主客

丙午年予赴吏部  
時張文出使還

驛路蟬聲裏征袍樹色間忽逢河漢使初犯  
牛還竝柵遵宵渚連鑣啓曙關未隨香署直早  
已客星攀紉珮江邊草開襟海上山相看似雙  
鵠刷羽向清沈

山田詠

有序

予家茗上少不習山田也予由臨安入  
歙諸州郡皆山而諸州郡之田皆附于

山及入歙中風氣尤別蓋土益窄人益稠所當剷崖分嵌穿溝引泉若繪事然此歙之所以獨盛不特薦紳先生多名卿也農而田野者無轆釜之憂商而四方者擅重裝之富金錢四溢流布海內也古所稱臨淄曲逆不是過已予特詠之以遺閭里焉

予家茗水上少不習山田墾墾魚鱗錯行行瓜蔓牽剷崖爬淺上甃石灌流泉高下綠崗落縱橫綰棧懸詎聞衆立表僅可耦駢肩殷井崎難畫龜疇折不全嶇嶇紛甲乙巖崿互糾纏虹影標丹巘星文鎖翠煙翦菑成沃壤煮石號膏塽濶陜爭尋尺刀錐價十千不毛猶荷鋪無雨亦康年處處皆雲布村村竝貝編齒繁絕游惰地窄倍精專稜穗盈倉窳牛羊遍陌阡四封少菜色萬戶溢金錢寄語吳中少須知力穡先無令競紈綺爲三調采風篇



白華樓吟稿卷之六

五

白華樓吟稿卷之六



